

UDALEKU IREKIAK / 2025

Oinarriak eta arauak

1.- Udalekuen helburuak

Udalekuen helburu nagusia da aisialdi giroan haurren artean euskararen erabilera sustatzea. Horrez gain, udalekuetan balio hauek ere landuko dira: hezkidetzaz, kultur aniztasuna eta inklusibitatea.

2.- Datak, ordutegiak eta elkartzeko tokiak

Datak:

Arantza, Bera, Etxalar eta Igantzin ekainaren 30etik uztailaren 24ra (4 aste)

Lesakan uztailaren 14an hasi eta abuztuaren 29ra arte (7 aste). Uztailaren 25a eta abuztuaren 15a jai egunak dira eta ez da udalekurik izanen.

Ordutegiak:

Herri guzietan ordutegia 9:00-13:00ak bitartekoa izanen da. Lehen ordua (9:00-10:00) harrerarako izanen da. Izen ematerakoan hautatu egin beharko da ordutegia: harrera orduarekin, 09:00-13:00 edo 10:00-13:00 bitartekoa. Horren arabera matrikularen prezioa ere aldatu egingen da (ikusi 5. oinarrian matrikulen prezioak eta ordainketak).

Elkartzeko tokiak:

Arantza: Arantzako Herri Eskola

Bera: Ricardo Baroja I.P. / Labiaga Ikastola Etxalar: Landagain I.P.

Igantzi: Igantziko I.P.

Lesaka: Irain I.P.

3.- Nork hartzen ahal du parte?

3-12 urte bitarteko (2013-2021 urteetan jaioetako) haurrek, irizpide hauen arabera:

- Bortzirietan errolatuak egotea (NORBERE HERRIAN) eta bertako ikastetxeetan D eta B ereduetan matrikulatuak daudenak.
- Bortzirietan errolatuak egonda ere, (NORBERE HERRIAN) eskualdetik kanpoko ikastetxeetan D ereduaren ikasten ari direnak.
- Bortzirietako ikastetxeetan D eta B ereduaren ikasten ari direnak, nahiz eskualdean errolaturik ez egon.
- Bortzirietan errolatuta ez egonda ere eskualdetik kanpo D ereduaren ikasten ari direnak (familiar dagokio hori egiaztatzea).

Irizpide horiek betetzen ez dituzten eskatzaileak baldin badira eta plazak soberan egonez gero, kasuak aztertuko dira, beti ere udalekuetan euskararen erabilera bermatuko dela ikusita.

Mankomunitateak baldintza horiek egiaztatzeko behar diren agiriak eskatzeko eskubidea du, udal eta ikastetxe bakoitzean.

Behar bereziak dituzten 3-12 urte bitarteko haurrentzako (2013-2021 bitartean jaioetakoak) 3 plaza gordeko dira. Haur horiek begirale bana behar dutela erabakitzeko orduan osasun eta hezkuntza arloko profesionalen

txostenak hartuko dira aintzat. Familiek izen ematerakoan aurkeztu beharko dituzte txostenak. Izen emana ahala beteko dira plazak.

4.- Izen ematea

- o Izena ematea online egingen da. Izen emateak Dindaia Fundazioak kudeatuko ditu eta hari ordainduko zaizkio matrikulak.
- o Izena emateko epea zabalik egonen da maiatzaren 31ra arte.
- o Izena ematean bakoitzak nahi dituen asteak hautatuko ditu, baita ordutegia harrera orduarekin (9:00-13:00) edo gabe (10:00-13:00) nahi duen ere.
- o Udalekuetan onartuak izan diren haurren asistentzia kontrolatuko da. Astebetez udalekuetara justifikatu gabe joaten ez diren haurrek plaza galduko dute eta erreserban daudenei parte hartzeko aukera emanen zaie. Plaza galtzen duten familiek ez dute dirua berreskuratzeko aukerarik izanen.
- o Plaza kopurua mugatua da. Izena emana ahala onartuko dira parte hartzaileak, eskainitako plazak bukatu arte betiere arestian aipatutako baldintzak betetzen badira.
- o Matrikula izen ematearekin batera ordainduko da.
- o Ekainaren 16-19 bitartean bigarren izen emate epea zabalduko da, soberan gelditu diren tokiak eskainiz. Epe horietatik aparte ez da izen emate gehiagorik onartuko. Behar bereziak dituzten eta begirale bat propio behar duten haurren kasuan, izen emateko epe bakarra izanen da maiatzaren 31ra bitartekoa.
- o Herri bakoitzean udalekua antolatu ahal izateko beharrezkoa da gutienez 15 haurrek izen eman dezaten.

5.- Matrikulen prezioak

Honakoak dira astebeterako prezioak:

Bortzirietan erroldatuak	9:00-13:00 (20 h): Harrera orduarekin	40,00 €
	10:00-13:00 (15 h): Harrera ordurik gabe	30,00 €
Familia ugariak/bi senide edo gehiago/guraso bakarrak (erroldatuak): % 20ko deskontua	9:00-13:00 (20 h): Harrera orduarekin	32,00 €
	10:00-13:00 (15 h): Harrera ordurik gabe	24,00 €
Egoera zaurgarrian dauden familiak (erroldatuak): % 50eko deskontua	9:00-13:00 (20 h): Harrera orduarekin	20,00 €
	10:00-13:00 (15 h): Harrera ordurik gabe	15,00 €
Bortzirietan erroldatuak ez direnak	9:00-13:00 (20 h): Harrera orduarekin	48,00 €
	10:00-13:00 (15 h): Harrera ordurik gabe	36,00 €

Deskontuak ez dira pilatuko. Familia ugariaren txartela nahiz guraso bakarrarena izen ematearekin batera aurkeztuko dira.

Bortzirietan erroldatuak ez daudenei ez zaie deskonturik aplikatuko.

Egoera sozioekonomiko zaurgarrian dauden familien kasuan, Bortzirietan erroldatuak badaude, matrikularen prezioei % 50eko deskontua aplikatzeko Nafarroako Gobernuko Hezkuntza Departamentuak ezarritako irizpideak hartuko dira kontuan. Hau da, 2024-2025 ikasturterako 2023ko errenta aitortpena, zehazki bertan ematen den zerga oinarria eta familiako kide kopurua:

Familiakide kopurua <i>Nº miembros en la familia</i>	Zerga oinarria <i>Base imponible</i>
1	14.724,00 €
2	18.288,00 €
3	20.820,00 €
4	22.344,00 €
5	23.868,00 €
6 +	24.888,00 €

Izen ematearekin batera ikastetxearen ziurtagiria aurkeztu beharko dute. Errenta aitortpena egitetik salbuetsita dauden familien edota Nafarroara berriki iritsi diren familien kasuan, balorazioa Bortzirietako Gizarte Zerbitzuan eskatuko dute eta izen ematean aurkeztu.

6.- Matrikulen zenbatekoa itzultzea

Behin izena emanda, udalekuetan bajak izanez gero, ordaindutako diruaren itzulketak modu honetan egingen dira:

- Udalekuak hasi aitzinetik baja justifikatzen bada (eritasuna edo azken orduan sortutako arazo larriren bat, agiri bidez justifikatuta), matrikularen % 100 itzuliko da.
- Udalekuak hasi ondotik baja justifikatzen bada (eritasuna edo azken orduan sortutako arazo larriren bat, agiri bidez justifikatuta), matrikularen zati proportzionala itzuliko da (izena emanda dagoen epean falta diren egunei dagokiena).
- Udalekuak hasi aitzinetik baja emanez gero justifikaziorik gabe, matrikularen % 50 itzuliko da.
- Udalekuak hasi ondotik baja emanez gero aitzineko puntuetan aipatzen den justifikaziorik gabe, ez da dirurik itzuliko.

Edozein kasutan, matrikularen dirua itzuli behar bada, bankuko gastuak beti familiaren gain izanen dira.

7.- Udalekuen antolaketa eta segimendua

Udalekuak Bortzirietako Euskara Mankomunitateak antolatu ditu. Mankomunitateak Dindaia Fundazioa kontratatu du udalekuen prestaketa orokorraz, izen emateaz, segimenduaz eta langileen kontratazioaz ardura dadin.

8. Datu pertsonalen babesa

Tratamenduaren arduraduna: Bortzirietako Euskara Mankomunitatea. Helburua: Udalekuak kudeatzea. Eskubideak: Datuak eskuratu, zuzendu eta ezabatzeko eskubidea duzu, bertzeak bertze, mankomunitatearen bulegora edo helbide elektroniko honetara joz: euskara@bortziriak.eus. Informazio gehiago: [Pribatutasun Politika](#)

Oinarri hauek Bortzirietako Euskara Mankomunitateko Batzorde Erabakitzaileak onartu ditu 2025eko apirilaren 2an egindako bileran.

EGINBIDEA:

Konstarazteko 2025eko udaleku irekien prezio eta oinarrien laburpen hau Bortziriako Euskara Mankomunitateko Batzorde Erabakitzaileak 2025eko apirilaren 2an onarturiko oinarriei dagokiela.

Eta horrela jasota gera dadin eta dagozkion ondorioak izan ditzan, honako hau ziurtatzen dut.

IDAZKARIA,



Data: 2025.04.07
14:37:44 +02'00'

Nagore Madariaga